

李杜全集

李杜全集

分類補註李太白詩卷之十

明長洲許自昌玄祐甫校

贈

秋日鍊藥院鑷白髮贈元六兄林宗

木落識歲秋瓶冰知天寒桂枝日已綠拂雪凌雲端

弱齡接光景矯翼攀鴻鸞齊賢曰淮南子葉落而知天下之秋見瓶凍而知天

下之寒謝朓詩雲端楚山見楊子解嘲曰矯翼厲翮

士贇曰楚詞桂樹叢生兮山之幽偃蹇連卷兮枝相

繚攀援桂枝兮聊淹留沈約詩秋風生桂枝枚乘詩

美人在雲端陶潛詩弱齡寄事外委懷在琴書曹植

詩光景不可攀鮑照詩悲思戀光景密念彌歲時歲

時多阻折光景已安怡又胡鴈已矯翼又攀鴻鸞戲五

煙魏文帝喜謂人見其身於鴻鸞與六翮而輕飛

投分三十載榮枯同所欲

長吁望青雲鑷白坐相看秋顏入曉鏡壯髮凋危冠

齊賢曰阮瑀為魏武與劉備書曰披懷解帶投分記

意李善曰分猶志也潘安仁詩投分寄石友南史鬱

林王五歲歲高帝傍帝令左右鑷白髮問王我誰耶

曰太翁帝笑曰豈有為人作曾祖而鑷白髮者乎漢

外戚傳曹宮曰我兒男也額上有壯髮類孝元皇帝

胡非子曰解其長劒免其危冠王贊曰陶潛詩閑居

三十載遂與塵事冥鮑照詩去鄉三十載復得還舊

丘程曉女訓春榮秋枯自然之理曹植詩榮枯可立

須顏延年詩倮倮見榮枯劉楨詩能不懷所歡陸機

詩悠悠懷所歡王康琚詩放神青雲外鮑照詩誰令

摧折強

窮與鮑生賈餗從漂母食時來極天人道在

相看

豈吟嘆

士贊曰管仲與鮑叔賈分財漂母飯韓信二事詳並見三卷注陶潛詩時來苟宜會

仲舒曰天人相與之際甚可畏也管子樞言曰道之在大者曰也其在人者心也莊子東郭子問曰所謂道惡乎在莊子曰無所不在後漢不穆崇厚論曰仲尼嘆曰大道之行丘不與焉蓋傷之也道者以天下爲一在彼樂毅豈適趙蘇秦初說韓卷舒固在我何猶在已也

事空摧殘

齊賢曰樂毅并護趙楚魏燕之兵以伐齊破之下齊七十餘城獨莒卽墨未服魯昭

王死子立爲燕惠王王曰爲大子時嘗不快於樂毅齊田單聞之縱反間於是惠王使倚劫代將而召樂毅毅畏誅西降趙趙封毅於觀津號望諸君蘇秦說燕文侯文侯資秦車馬金帛以至趙說趙肅侯肅侯乃飾車百乘黃金千鎰白璧百雙錦繡千純以約諸侯於是說韓宣惠王曰鄙諺曰寧爲雞口無爲牛後今西面交臂而臣事秦何異於牛後韓主攘臂瞋目按劍仰天太息曰寡人雖不肖必不能事秦敬奉社稷以從士贊曰淮南子曰道者舒之幘於六合卷之不盈於一握又曰至道無爲一龍一蛇盈縮卷舒與



時變化謝靈運詩達人貴自  
我西京賦樸叢爲之摧殘

書情贈蔡舍人雄

梁宋

嘗高謝太傅攜妓東山門楚舞醉碧雲吳歌斷清媛  
暫因蒼生起談笑安黎元余亦愛此人丹霄冀飛翻  
齊賢曰安石携妓東山事見七卷注高祖謂戚夫人  
曰爲我楚舞江淹詩曰暮碧雲合佳人殊未來晉曲  
有子夜吳歌晉書安石不起當如蒼生何符堅百萬  
入寇安石用謝玄謝石等拒之符堅大敗於肥水因  
以亡國此談笑安黎元也陶潛詩吾亦愛吾廬詩翻  
飛惟鳥士贇曰漢書谷永傳天下黎元咸安家樂業  
劉向列仙傳赤松子贊曰接手翻飛冷  
然雙舉王粲詩曰苟非鴻鵬孰能飛翻遭逢聖月王  
敢進興亡言白璧竟何辜青蠅遂成冤一朝去京國

十載客梁園猛犬吠九關殺人憤精鬼

齊賢曰白頭吟點自信青

蠅注蒼蠅之為蟲

汗白使黑蓋青蠅刺讒也宋三石

虎豹九關

咏害下人王逸注天門九重使神虎豹

執其開閉言咏天下欲士之人而殺之士賈曰前漢

王褒聖主得賢臣頌曰及其遇明君遭聖主也李蕭

遠運命論曰故運之所隆必生聖明之君聖明之君

必有忠賢之臣其所以相遇也不求而自合不介而

自視范彥隆詩遭逢聖明後來棲桐樹枝王僧達詩

既踐終古跡聊訊興亡言陳子昂詩曰青蠅一相點

白璧遂成冤鮑照詩時事一朝異又十載學無就善

宦一朝通江淹詩辨詩測京國梁園見士卷注鮑照

詩曰何為客遊梁左傳樂皇穹雪冤枉白日開昏氛

祈曰心之精爽是謂魂魄

太階得夔龍桃李滿中原倒海索明月凌山採芳蓀

愧無橫草功虛負雨露恩跡謝雲臺閣心隨天馬鞍

齊賢曰謝靈運詩盛明盪昏氛曹子建詩譬海出  
珠謝靈運詩汜露馥芳蓀楚詞注曰蓀香草也虞終  
軍曰軍無橫草之功後漢顯宗追感前世功臣乃  
畫二十八將於南宮雲臺大宛國馬汗血言其先天  
馬子也宛王禪封與漢約歲獻天馬二疋士贊曰家  
婦賦仰皇穹而嘆息左思詩皓天舒白日太階事見  
一卷注樹桃李事見二卷夔龍舜臣董卓傳倒山傾  
海漢鄒陽書曰明月之珠夜光之璧張景陽詩目魚  
目笑明月張銑曰明月寶珠也鮑照詩凌崖採玉露  
夫子王佐才而冷復誰論

層飈振六翮不日思騰騫我縱五湖棹煙濤恣崩奔

夢釣子陵湍英風緬猶存彼希客星隱弱植不足援

齊賢曰董仲舒王佐才韓詩外傳晉平公遊於河嘆  
曰安得賢士與之樂此船人曰主君亦不好士耳何  
患無士乎平公曰吾食客門左千人右千人何謂不  
好士對曰夫鴻鵠一舉千里所恃者六翮耳背上之



毛腹下之毳益一挹飛不加高損一挹飛不加下今  
君食客亦有大駟在其中者矣將皆背上之毛腹下  
之毳耶王贊曰晉書阮籍見張華鷄鵠賦曰王佐才也  
由是聲名始著范蠡扁舟五湖嚴光釣隱客星犯  
帝座並見二卷注韋魯國語注緬猶邈也謝靈運詩  
圻岸屢崩奔孟子故家遺俗流風善政猶有存者又  
中庸曰在下 千里一迴首萬里一長歌黃鶴不復來  
位不援上

清風愁柰何舟浮瀟湘月山倒洞庭波投汨笑古人

臨濠得天和閑時田畝中搔背牧雞鵠別離解相訪

應在武陵多

齊賢曰蘇子卿詩黃鶴一遠別千里顧徘徊瀟湘洞庭並見三卷注莊子與惠

子遊於濠梁之上莊子曰儵魚出遊從容是魚樂也  
王康琚詩推分得天和唐朗州武陵郡治武陵縣士  
贊曰古詩離家千里客感感多思復徐敬業詩迴首  
見長安成公綏嘯賦集長風乎萬里蘇武詩長歌正

激烈傳玄艷歌行曰出來長歌續短歌鮑照詩長歌  
欲自慰古樂府飛來雙白鶴乃從西北來五里一  
顧十里一徘徊雖遇新相知終傷生別離左思詩長  
歌續清風莊子吾將柰何史記屈原遭讒被遷乃作  
懷沙之賦於是懷石自投汨羅以死應劭曰汨水在  
羅故曰汨羅也正義曰故羅城縣在相陰縣東北六  
十里縣北有汨水汨音覓莊子曰夫明白於天地之  
德者此之謂大本大宗與天和者也與天和者謂之  
天樂又齧缺問道乎被衣被衣曰若正汝形一汝視  
天和將至淮南子曰顏回天死季由蒞於衛皆迫於  
性命之情而不得天和者也東  
漢百官志曰誰當搔其背痒者

### 憶襄陽舊遊贈馬少府巨

昔爲大堤客曾上山公樓開窓碧嶂滿拂鏡滄江流  
高冠佩雄劔長揖韓荆州此地別夫子今來思舊遊

齊賢曰大堤在襄陽晉永嘉三年山簡出鎮襄陽故  
有山公樓太白與韓荆州書曰天下談士相聚而言  
曰生不用封萬戶侯但願一識韓荆州何令人之景  
慕一至於此耶又曰願開張心顏不以長揖見拒向  
子期思舊賦序曰余與嵇康呂安居止接近余將西  
邁經其舊廬鄰人有吹笛者發聲寥亮追思曩昔宴  
遊之好感音而嘆故作賦云士  
朱顏君未老白髮我

先秋壯志恐蹉跎功名若雲浮歸心結遠夢落日懸

春愁空思羊叔子墮淚峴山頭

齊賢曰顧愷之與簡文同年而髮早白簡

文問其故曰松柏之姿經霜猶茂蒲柳之質望秋先  
零任彥升詩弗能朱顏改徒想平生人楚詞驥垂兩  
耳中坂蹉跎士贊曰鮑照詩鬢髮先老白東漢書馬  
援嘗謂賓客曰丈夫為志窮當益堅老當益壯世說  
周處曰年已蹉跎終無所成阮籍詩白日忽蹉跎史  
管仲耻功名未顯於天下魯仲連曰功名不立非智

也孔子曰不義而富且貴於我如浮雲劉琨詩功業未及建夕陽忽西流時哉不我與去乎若雲孖羊叔子峴山墮淚碑事見前卷注

### 對雪獻從兄虞城宰

昨夜梁園裏弟寒兄不知庭前看玉樹腸斷憶連枝

齊賢曰神仙傳老君庭中有珠玉之樹蘇子卿詩况我連枝樹與子同一身王贊曰梁園雪事見前卷注

### 訪道安陵遇蓋還爲余造真籙臨別留贈

清水見白石仙人識青童安陵蓋夫子十歲與天通

齊賢曰詩揚之水白石鑿也仙傳拾遺桓聞事華陽陶先生有二青童白鵲自空而下曰太上命求桓先生世說孔文舉十歲兄李膺膺奇之王贊曰道書有青童內文又有老君及青童大君靈書紫文修行二



十四事前漢書地理志安陵屬右扶風惠帝置莽曰  
嘉平劉向列仙傳陶安公者六安鑄冶師也數行火  
火一旦散上行紫色衝天安公伏冶下求哀須臾朱  
雀止冶上曰安公安公治與天通七月七日迎汝以  
赤龍至期赤龍到  
安公騎之而上  
懸河與微言談論安可窮能令二

千石撫背驚神聰揮毫贈新詩高價掩山東至今平

原客感激慕清風

齊賢曰孝經序夫子沒而微言絕漢太守皆秩二千石山東太行山

之東也平原君趙勝喜賓客賓客至者數千人選詩  
清風激萬代士贊曰晉郭象字子玄好老莊能清言  
王衍每云聽郭象語如懸河瀉水注而不竭隋裴蘊  
機辯所論法理言若懸河漢書藝文志仲尼沒而微  
言絕師古曰精微要妙之言論語崇爵識曰子夏六  
十人共撰仲尼微言以當素王劉子駿書曰夫子沒  
而微言絕前漢藝文志古者諸侯卿大夫交接鄰國  
以微言相感當揖讓之時必稱詩以喻其意晉摯



自我別旬朔微言絕于耳漢武帝內傳王母教帝以修身益精易形之道曰此元始天王在丹房中所說微言今以相付子善錄而修焉晉書衛玠好言玄理遇有親友時請一言無不咨嗟以爲入微曹植撰王粲詩幽讚微言樂廣尤善談論每以約言析理以厭人之心劉楨詩貽爾新詩文鮑照詩奇聲振朝邑高價服鄉村趙岐孟子章句學道北海仙傳書藥珠宮曰千載聞之猶有感激

丹田了玉闕白日思雲空爲我草真錄天人慙妙工

七元洞豁落八角輝星虹

齊賢曰黃庭內景經云閑居藥珠作七言道書二十

四炁浮沉闕銓語曰脐下一寸三分爲丹田丹田者鼎器也曰晶月華入鼎成丹又曰玉樓臺是喉嚨結龍闕是骨髓糾宮是心世說治平子注老子始成詣玉輔嗣見王注精奇乃神服曰若斯人可與論天人之際矣  
士贇曰西昇經老君謂尹喜曰吾將汝上朝玉宸遊歷帝鄉作是語已遂徧歷九天上昇上清白

闕丹城藥珠宮曰日思雲空者飄飄然有凌雲氣游  
天地間志也後魏道釋志泰常二年丁巳老君再降  
賜道士寇謙之符籙七十卷三洞經有洞真太上  
皇氏籍定真玉籙一卷莊子曰皆原於一不離於宗  
謂之天人三洞經云天真皇人按筆乃書七元者道  
家所謂北斗七元星君也豁落者所謂豁落斗也按  
靈書紫文二十四事內有神虎金虎消魔豁落流金  
之章三洞真經曰真文者五方真炁之精疑結成文  
八角垂芒或為雲篆之形或成走獸之狀帝王世  
紀有大星如虹下流華渚又瑤光之星貫月如虹三  
災蕩穢蛟龍翼微躬舉手謝天地虛無齊始終黃

金滿高堂答荷難克克

齊賢曰列仙傳王子晉於緱氏山頭舉手謝時人而去士

贊曰左傳三辰有災尚書在璿璣玉衡以齊七政馬融云日月星辰皆以璿璣玉衡度知其盈縮進退後律曆志聖人之作曆也觀璇璣之運三光之行鄒陽書曰蛟龍驤首奮翼沈約詩遇可淹留處便欲息微

躬莊子恬淡寂寞虛無无爲此天地之平而道德之  
篤也又萬物一齊孰長孰短知道無終始物有死生生  
康琚詩歸來安所期與物齊始終老子曰黃下笑世  
金滿堂莫之能守顏延年詩美價難克充

上士沉寃北羅鄴昔日萬乘墳今成一科蓬贈言若

可重實此輕華嵩

齊賢曰涪州鄴都觀乃北都羅鄴所治名平都福地內經曰下離塵

境上界王京注云玉京無爲之天三十二帝之都玉  
京之下乃崑崙北都羅鄴北帝三十六洞所居張景  
陽詩昔爲萬乘君今爲丘山土士贇曰三洞經欲界  
飛空之音曰北都泉曲府中有萬鬼群但欲逼人弄  
斷絕人命門阿人歌洞章以攝北羅鄴王格曰羅鄴  
山在北方癸地周迴三萬里高二千六百十里是爲大  
天鬼神之宮人死皆至其中苟子非相篇贈人以言  
重於金石珠玉張孟陽劭閣銘曰高踰嵩華沈約詩  
無事適

贈崔郎中宗之

金陵

胡鴈拂海翼，翱翔鳴素秋。驚雲辭沙朔，飄蕩迷河洲。

齊賢曰：時宗之謫官金陵，故有此贈。毛詩：將翔將翔。

雪賦：河海生雲。朔漠飛沙。詩云：關關雎鳩，在河之洲。

謝靈運詩：河洲多沙塵。士贇曰：鮑照詩：河畔草未黃。

胡鴈已矯翼，淮南子：鴻鵠翱翔乎荒忽之上。郭璞詩：

素秋。

素秋。

有如飛蓬人，去逐萬里遊。登高望浮雲，彷彿

如舊丘。

齊賢曰：商君書：飛蓬遇飄風而行千里，乘風之勢也。士贇曰：毛詩首如飛蓬。鮑照詩：暫遊

越萬里。江淹詩：眇然萬里遊。宋玉高唐賦：登高望遠。

使人心瘁。李陵詩：仰視浮雲馳。楚詞：彷彿以遙見。嗟

機詩：彷彿谷水陽。鮑明遠詩：

去鄉三十載，復得還舊丘。

日從海傍沒，水向天邊

流。長嘯倚孤劍，日極心悠悠。歲晏歸去來，富貴安可